

سنه لکی درسعدت ایچون مجیده
بکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

محرکات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن برمجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تَبْلِغَات

خاص بکلك ماندره سنی باقونظورات استیجاریدن
ککبوزه لی کامل افدینک بدل ایجاردن متولد دینی ایفا
ایتماسندن طولانی مال قلمندن وقوعبولان طلب اوزرینه
مومی الیهک کفیللری بولان حسنی وفخری اغارک
ماللری اولمق اوزره کوستریلان ومقاولات محررلکی
طرفندن اعشار نظامنامه سنک اوتوز طقوزنجی ماده سنه
توفیقاً حیز آلتنه آلتان بدی یوز اون اوچ رأس
اغنامک انشای حیزنده کفیلان مرقومانک پدرلری
احمد اغا طرفندن کنندی مالی اولدیغندن بختله مخالفت
ابدلش ایسه ده محکمه عانده سنه وقوعبولان مراجعت
حواله سمع اعتبار ایدلماش ومذکورالمقدار قویونلر
تأمیناته ربط اولنمش اولمقدن ناشی مرقوم احمد اغانک
بالمراجع مال قامی عاینه شخص ثالث صفتیله اقامه ایدلیکی
دعوانک هنوز یوم محاکمه سی ورودایتمکسزین سالف
الذکراوتوز طقوزنجی ماده موجبجه مدیونلره ویریلان
اون کون مهمل مرور ایتدیکی حالده تسویه دین
ایدلماش اولمسنه بناء اغنام محجوزنک فروختی
ادعاسنده اصرار ایدلمکده اولوب حالبوکه جهت
ایجادن متولد اولان برینک ده ماده مذکوره حکمه
توفیقاً تحصیل وشخص ثالث مراجعتی اوزرینه
قبل المحاکمه محجوزک فروختی مسئله لری جای تردد
بولنمش اولدیغنک ککبوزه بدایت محکمه سی ریاستندن
بیایدیرلیدکندن بختله استفسار معامله ده دائررسعدت
استیناف محکمه سی مدعی عمومیلکنندن اعطا قلنان
مذکره اوزرینه ختام مدت مزایده دن اول محجوزه
استحقاق دعواسنده بولنانلرک محکمه ده مراجعتله
اقامه دعوی ایتدکری صورتده امر مزایده نک تأخیری
حقننده دعوی رؤیت ایتکده اولان محکمه دن علم
وخبیر استحصالیله مزایده نی ومعامله اجرائیه نی
تأخیر ایتدیره بیله جککلرندن شخص ثالث محکمه ده
مراجعتی ایچون معین اولان اون کون مهملک انتقاضی
حالنده مراجعت علم وخبیری ابراز ایتیمان مستحق
حقننده معامله قانونیه اجرایی طبعی بولندیغنی واعشار

مَحَاکِمَاتُ مَقَرِّات

نوعندن اولیان سالف الذکر ماندره نک خزینة
جلیه ده عائد اجاره سندن متولد دین حقننده خزینة
مشارالیهان حاله والزام اولنان واردات عشریه ورسو-
میه نک متعهدلری طرفندن صورت تأدیه سنی مبین
دستورک جلد نایسنده مسطور نظامنامه احکامه
توفیقاً معامله اجرایی لازم که جکی انجمن عدلیه دن
افاده واولوجهله ذکر اولنان مدعی عمومیلکه تبلیغ ماده
اولنشدرد.

سیواس ولایتی استیناف محکمه سی جزا دائره سی
رئیس سابق حسن سامی افدینک اوراق انفصالیه
ومدافعه نامه سی انجمن انتخاب مأمورین عدلیه ده
لدی التدقیق جواز استخدامنه قرار ویرلشدرد.

محکمه تمیز حقوق دائره سندن اعطا قلنان

۱۳ اغستوس سنه ۳۱۷ تاریخی اعلامدر :

ارزنجانک کورابس محله سی اهالیسندن طورسون
اغزاده صالح افندی ایله شفیق پاشا محله سی اهالیسندن
اولبکیان آواکم بیننده متحدث دعوایه دائر ارزنجان
سنجایی بدایت محکمه سندن ۸ ایلول سنه ۳۱۶ تاریخی
والتمش عددی ایله ویریلان اعلام مومی ایله صالح
افندی طرفندن تمیز ایدلمکده اعلام مذکور یالکیز
مستدعینک اعتراض لایحه سیله بالمطالعه تدقیقات تمیزیه
اجراسنه ابتدار قلندی .

اعلام مذکورک خلاصه مالی مرقوم اولبکیان
آواکم مومی ایله صالح و برادری سالم افندیلر ذمتنده
یکدیگرینه کفیل بالمال اوله رق آلاجنی اولان سکر
بیک بشیوز غروشک مومی ایله سالم افدینک وفات
ایتمسنه مبنی ترکه سنه واضع البد اولان برادری صالح
افدین اصالة وکفالة تحصیلنی طلب ودعوی وبر
قطعه سند ابراز واعطا ایتسنه قارشو مدعی علیه
صالح افندی مبلغ مدعیه متوفی برادری سالم افندی

ایله کندوسنک بورجی اولدیغنی اقرار ایله برابر دین
مذکوره محسوباً تواریخ مختلفه ده الی بیک بشیوز
غروش تسلیات وقوعبولدیغنی وتسلیات واقعنک
برادری متوفانک خطدستیله محرر جزؤداندنه مرقم
ایدوکنی مدافعه بیان وانبایتمش ایسه ده طرفندن
منتخب اهل خبره طرفندن اجرا قلنان تدقیقاتده
مذکور جزؤداندنه محرر تسلیات متوفای مومی ایله
سالم افدینک یازوسی اولدیغنی تعیین ایدمدیکی کبی
بوجهتی مدعی علیه صور سائر ایله دخی اثبات
ایدمامکله برابر بوباید طالب تحلیف دخی اولمامسی
اوزرینه دعوی واقعنک برقسیمی متوفانک ترکه سنه
متعلق اولسندن ناشی محله حکمنجه مدعینک استظهاراً
یمنی اجرا قلندقدنصکره مدعی علیه مومی ایله صالح
افدینک اقراری وجهله مبلغ مدعیه مذکور سکر
بیک بشیوز غروشک اصالة وکفالة افندی مومی
الیه دن تحصیلنه حکمدن واشبو حکم عاینه مستدعینک
لایحه سنده محرر اعتراضاتک خلاصه سی ده تسلیات
واقعیه شهود شخصیه ایله اثبات ایددجکی بیان
ایدلیکی حالده محکمه ده بوجهتک نظراعتباره آلمانسی
وحکم واقعک تنفی ماده قانونیه توفیق ایدلیدکنک
ارائه قلنامسی ومحاکمه نک اصولی دائره سنده تشکیل
طرفین ایدلمکسزین اجرا اولنمشی مخالف قانون
اولدیغندن بختله اعلامک تقضی استدعاسندن عبارتدر .
ایجابی لدی المذاکره تمیزی طلب اولنان اعلامک
نتیجه حکمی مدعی طرفندن ادعا اولنان سکر بیک
بشیوز غروشک مدعی علیه اقراری ایله ثابت
اولمسنه ومدعی علیه تسلیات ادعایی ایسه ثابت
اولمدیغنی کبی بوباید مدعی به یمین دخی تکلیف
ایتماسنه مبنی مبلغ مدعیه مدعی علیه دن تحصیلنه
حکمدن عبارت اولمسنه نظراً حکم واقع اسباب
موجهیه مستند واصل و قانونه موافق اولوب
مستدعینک بالاده محرر اعتراضاتیه اعتراضات سائر سی
نقض حکمی موجب کوریه مدیکندن ردیه اصول
محاکمه حقوقیه قانوننک اکیوز قرق ایکنجی ماده سنک
فقره اخیره سی موجبجه اعلام مذکورک تصدیقه
ویوزاوتوز بش غروش اوتوزپاره مصارف تمیزیه نک

ایروده مستعدی تمیزه عاقل اولوق اوزره اول امرده
میز علیدن استیفاسنه ۱۳ اغستوس سنه ۳۱۷
تاریخنده متفقاً قرار ویرلدی .

صوغالی قریه سندن سلیمان اوغلی حسینی قتل
ایلدیکی ادعا اولغسندن دولای جنایتله اتهام اولنان
عمر بن آدمک اون بش سنه مدته کورکه
قولنسه دایر خداوندکار ولایتی استیناف محکمه سی
جزا دائره سندن ویریلان ۶۰ نومرولی اعلام محکمه
تمیز جزا دائره سنجه تصدیق ایدلشددر .

کوره ناحیه سنک زنجیه قریه سی اهالی سندن خلیل
بشه اوغلی حسینی طاش ایله قتل ایلدیکی ادعا اولغسندن
دولای جنایتله اتهام اولنان سککو قریه لی عروس
اوغلی ابراهیمک بش سنه مدته کورکه قولنسه دایر
قسمونی ولایتی استیناف محکمه سی جزا دائره سندن
ویریلان ۳۷ نومرولی اعلام محکمه تمیز جزا دائره سنجه
تصدیق ایدلشددر .

قارش قریه سی اهالی سندن عابدین بن خیراللهک
اوج سنه مدته کورکه قولنسه دایر رات سنجانلی
بدایت محکمه سی جزا دائره سندن ویریلان ۶۳ نومرولی
اعلام محکمه تمیز جزا دائره سنجه تصدیق ایدلشددر .

دلیم قضای داخلده طاش مقاطعه سنده ساکن
ابو فهد رئیس حمادی الشیانک ماده قتلدن دولای
جنایتله اتهام اولنان فلاح خالف بن رمضانک
اون بش سنه مدته کورکه قولنسه دایر بغداد ولایتی
استیناف محکمه سی جزا دائره سندن ویریلان ۶۰
نومرولی اعلام محکمه تمیز جزا دائره سنجه تصدیق
اولغشددر .

زوجه سی فاطمه خاتونی قتل ایلدیکی ادعا اولغسندن
دولای جنایتله اتهام اولنان حاجی محمد بن خلیلک
اون سنه مدته کورکه قولنسه دایر ادرنه ولایتی
استیناف محکمه سی جزا دائره سندن اعطا قلنان
۳۳۰ نومرولی اعلام محکمه تمیز جزا دائره سنجه
تصدیق اولغشددر .

بلغاراشقیایچه سنه عونلهک ایلدیکی ادعا اولغسندن
دولای جنایتله اتهام اولنان قوادار قریه لی ترزی
واسیل ولد دیمونک اون بش سنه مدته کورکه قولنسه
دایر مناسر ولایتی استیناف محکمه سی جزا دائره سندن
ویریلان ۱۸۹ نومرولی اعلام محکمه تمیز جزا
دایره سنجه تصدیق اولغشددر .

در سعادت جنایت محکمه سندن تنظیم واعطا
قلنان اعلامدر :

اوچوز اون بدی سنه سی شهر کانون اولنک
یکرمیجی پنجشنبه کیجه سی باغالتیده بایر زقاغنده کائن
مستاجر بولدیغی خانه تختسده کی دکانی سیغورطه
بدلندن استفاده اتمک املیه احراق ایلدیکی ادعاسیه
مظنون علیه اولان قرق باشنده مرفقه لی کورچی
استراطی ولد پناویطک جنایتله اتهامه دایر هیئت
اتهامیه دن تنظیم اولنان مضطه ایله استیناف مدعی
عمومیلکنک ۲۸ مایس ۳۱۸ تاریخلی اتهام نامه سی
اوراق متفرعه سیله برابر محکمه جنایتله تودیع قلنمغله
بالمطالعہ تفصیلاتی اولبایده طوتیلان ضبط نامه دن
مستبان اوله جفی اوزره اصول محاکمات جزائیه
قانوننک باب نایسنک فصل رابعسده محرر اولان
معاملات ابتداییه بعدالایضا اوچوز اون سکرسنه سی
حزیراننک اون ایکنجی چهارشنبه کونی مته مرقوم
توقیفخانه دن کتوردیلهرک وکیل محکمه نزدنده
مستخدم دعوی وکیلرندن استبان افندی واستیناف مدعی
عمومی معاونلرندن ادممک حاضر اولدقلری حالد علناً
محاکمه اجراسنه بالابتدار مته مرقوم ایله وکیلنه
لازم کلان اخطارات قانونیه ایفا قلندقدن صکره هیئت
اتهامیه مضطه سی واهما نامه ضبط کابی صبحی بکه
اوقوتدیرلدی .

مذکور مضطه ده مظنون علیه استراطینک
سیغورطه بدلندن استفاده مقصدیه مستاجر بولدیغی
خانه و تختسده کی دکانی قصداً احراق ایلدیکی زمان
خریقده خانه و دکاننده سیغورطه بدله مقابل اشیا
بولنامه سی و مقدا زوجیه سیله چوجقلاری مملکته
وقیزی دخی مسافره دیگر برحله کوندرمش اولسی
و حریق و قوعوبولدیغی کیجه غلطسده قلفات برنده
برکیده بولدیغی بیان واددا ایلدیکی حالد لیه
مذکورده نک اقشامی دکاننک اوکنده و حریقدن براز
مقدم دخی اوچوارده کورلمسی و حریق مرقومک
مستاجر بولدیغی خانه نک مطبخدن ظهور ایلدیکنک
شاهدلر طرفندن اخبار اولغسی کی دلائل و امارات
اتهامیه کافی کورلمش و حرکتی قانون جزانک یوز
التمش اوچنجی ماده سی حکمتی مستلزم افعال جنایه دن
بولتمش اولدیغسندن جنایتله اتهامه قرار ویرلدیکی
محرر واهما نامه ده دخی مرقومک مضطه مذکورده
مندرجانی وجهله اتهام ایلدیکی مسطر در .

اتهامنامه نک خلاصه سی جانب ریاستدن مته مه تفهیم
و توضیح و معاون مومی الیه طرفندن دخی دعوانک تشریح
اولغسی معقب مرقوم سولتدیرلدهکده حریقدن ایک
اوج آی مقدم زوجیه سیله چوجقلاری مملکتی جانبته

اعزام ایدوب برقیزی دخی لاجل التعلیم بر ترزینک
یانه ویردیکنی و کندوسیده غلطسده قافسات برنده
کیشده بکچیلک ایتدیکنی و حریق کیجه سی دخی
مذکور کیده بولوب حریق نه صورتله و قوعوبولدیغندن
اصلاً خبردار اولوب فرداسی محترق اولان خانه نک
کندی خانه سی ایدوکنی خبر آلدیغی بیان و عند
الاستیضاح دکاننده بولنان کور و مسکرات ایله
خانه سنده کی اشیایی حریقدن سکرتقوز ماه مقدم
یتش بش لیریه فیچکس قومانیه سنه سیغورطه
ایتدیردیکنی و انشی حریقده ده خانه سنده کی اشیایان
ماعددا دکاننده یکری لیرالق کور واون بش لیرالق
قدر مسکرات که جمعا اوتوز اوتوز بش لیرالق مالی
وار ایدیسده سیغورطه ایتدیردیکی وقت یوز الی
لیرالق مالی بولدیغی ووقعه دن ایک کون مقدم خانه سنه
کیدوب بر بانالون آلدقدن صکره کمی به کیتدیکنی
و آندن صکره برده خانه سنه اوغرامدیغی ودرت
سنه دنبرو خانه و دکانده اقامت ایدوب ایک دفعه
اتصالنده کی خانه دن آتش ظهور ایلکله احتیاطاً
سیغورطه به وضع ایتدیکنی و مذکور کیجه بکچیلر
حریقک بالی بازارنده و قوعوی اعلان ایتد کالری
درمیان ایلدی .

بناءً علیه ۲۰ کانون اول ۳۱۷ تاریخلی ضابطه
عدلیه تقریری اوقوتدیرلدهکده مندرجاننک: اوچوز
اون بدی سنه سی کانون اولنک یکرمیجی پنجشنبه
کیجه سی ساعت اون پنج راده لنده باغالتیده بایر
استراطینک مستاجر بولدیغی خانه و دکانندن آتش
ظهور ایدرک اتصالنه سراتله اون ایک خانه محترق
اولوب و اوج خانه دخی هدم ایدیلهرک اطفا ایلکله
تحقیقاتنه بالابتدار مرقوم استراطینک غلطسده قلفات
مخلنده کراسته کیلرلنده بولدیغنک خبر ویرلمسی
اوزینه در دست اولهرق استجواب ایدلدهکده مذکور
دکان درت سنه دنبرو تحت استیجارنده اولوب دروننده
شراب و کور فروخت ایتکده ایدوکنی و فوخته کی
خانه ده دخی مع عیال اقامت ایتدیکنی و کذار ایدن
مایس ابتداسنده دکان دروننده کی کور و شرابلاری
یتش بش عثمانی لیراسنه فیکس انورشین نام فرانسر
قومانیه سنه سیغورطه ایتدیردیکنی و برقچ ماهدنبرو
اخذ واعطاسنک صورت منتظمه جریان ایتما سندن
ناشی فامیلیاسی مملکته اعزام و مذکور دکانی سد
ایدوب کندوسیده غلطسده کیلرده بکچیلک ایتدیکنی
و اون آلتی یاشلرلنده بولنان دومینا نامنده کی
قیزی دخی بانفالتی یکی محله سنده خدمه شاهانه
موزیکه بلوکنده مستخدم واسیلانک نزدیکه
بولغده و بعضاً کوندوزلری دکانه کیروب چیقمده

بولدیغی و شو کونلرده مذکور دکانی شخص آخره
دور و تسلیم فکرلنده اولدیغی و دکانک محترق اولدیغی
علی الصباح خبر آلب غلطه بکچیلری ایسه حریقک
بک اوغلنده بالی بازارنده و قوعوی اعلان ایتد کالری
بیان و یکجی ایوب دخی مرقوم استراطینک حریق
کیجه سی صباحه قارشو ساعت اون چاریک که دولاب
دره سندن مروری اناده بالتصادف زوجه کیتدیکنی
سؤال ایتدیکنده جواب ویرمکسین کیروب کیتدیکنی
و یاسقال و کغورق و یکجی شعبان ایله ماری و میقرووی
قادرلر حریقک مذکور دکانک آرقه جهتسندن ظهور
ایتدیکنی کورد کالری افاده ودرمیان ایلد کالری
بیانندن عبارت اولدی اکلشادی .

تقریر مندرجانه قارشو ندیه کی مته مرقومه
سؤال اولندقدن حریق کیجه سی اوراده بولدیغی
کی اخذ واعطاسنده دخی اولدقه تجارت ایدر
ایدوکنی و وقت خسته لئسنندن ضروری اولهرق
دکانی آچمه دیغی سولدی .

مدعی عمومیلک جانبدن بالا عطا قرائت ایتدیریلان
شهود بوصله سنده اسماری محرر اولوب دعوت
واقعیه اتباعاً ورود ایتد کالری خبر ویریلان کسان
برر برر حضور محکمه به چقاریلهرق لدی السؤال
مته مرقوم برکونه قرابت و خصوصت و مناسبتلری اولدیغی
اکلاشلقدن و اصول محاکمات جزائیه قانوننک ماده
مخصوصه سی حکمنه توفیقاً امر تحلیف لاری اجرا
قلندقدن صکره منفرداً و مواجهه استماع اولندقدن
بونلردن الما طاعی قره غلخانه سی جوارنده مظفر
باشانک آخری قرینده کی زقاده عطار پترینک
دکانی قارشوسنده قافله نک خانه سنده ساکنه فله لی
الی سکری باشنده ماریا بنت مارینو، حریق کیجه سی
ساعت اون راده لنده «جان قورتاران بوقی» دیو
ایتدیکی بر فریاد و آئی معقب انداخت اولنان ایک
ال سلاح صداسی اوزرینه زقاهه چقوب باقدیغسده
قومشوسی مته مرقوم استراطینک مستاجر بولدیغی خانه نک
آرقه طرفندن آو چیقمده اولدیغی کوردیکنی
مضبوط افاده سی وجهله اخبار ولدی الاستفسار
مذکور کیجه نک اقشامی ساعت براده لنده مرقوم
اول وجهله مجرمته و قانون جزانک یوز یتش دردیجی
ماده سنک فقره اولاسنه توفیقاً اون بش سنه مدته
کورکه قولنسه ۱۶ تشرین ثانی سنه ۳۱۸ تاریخنده
محکمه جنایتجه قرار ویرلشددر .

مته مرقوم ایدوکنی تذکار و بوصله نک ذات و شهادته
قارشو ندیه کی مته مرقوم صورلدهکده مقدا سولدیکی
کی حریقدن ایک کون مقدم خانه سنه کیدوب بردها
اوغرامدیغی و دکاننده کی فوجیلر بوش اولوب
شراب و سائر مسکرات بولدیغی و بناءً علیه
من بوره نک شهادتی قبول ایتیه کیکنی بیان ولدی
السؤال زوجه سنک مملکته انشی عزیمتده برابر
آلتش اولدیغی اشیا برقرار بوله و بریتاق طاقی ایله
کندیلرینه عاقد برایکی قات چاشوردن عبارت اولدیغی
و بونلر نقل اولنورایکن سیغورطه اداره سنه معلومات
ویرمایش ایسه ده ذاتا اشیای مذکورده سیغورطه به
داخل اولدیغی درمیان ایلدی .

(مابعدی صکره به)

بیک اوچوز اون بدی سنه سی شایطنک یکری
التجی صالی کیجه سی بک اوغلنده چیکجی زقاغنده
حرقلیانک خانه سنده حافظ صالح افندی ایله ماری نی
قتل قصدیه جرح ایتدیکی ادعاسیه مته مرقوم اولان شکرینک
اجرا قلنان محاکمه سی نتیجه سنده مرقومک قتل قصدیه
جرح ایتدیکی حالد اسباب مانه حیولتیه ماده قتل
فعله ایصال ایدمه دیکی ثابت اولمغله مجرمته و قانون
جزانک یوز سکسانجی ماده سنه توفیقاً اوج پنج سنه
مدته کورکه قولنسه ۲۱ تشرین ثانی سنه ۳۱۸
تاریخنده محکمه جنایتجه قرار ویرلشددر .

قوری چشمه ده بالقی سیمونی جرح و قتل ایلدیکی
ادعاسیه مته مرقوم اولان تاتار فیضاه حقدن مقدمه بالحاکه
اون بش سنه مدته کورکه قولنسه دایر ایکنجی دفعه اولهرق
اصراراً ویریلان حکمی حای اعلام محکمه تمیز هیئت
عمومیه سندن نقض ایدیلهرک اعاده قلندقدن ناشی
بکره تکرار اجرا قلنان محاکمه نتیجه سنده مرقومک
فعل قتل مذکور و بالهور ایقاع ایلدیکی مقتول
سیمونک قبل الوفات و قوعوبولان افاده سی و شاهدلرک
شهادتی و معاینه راپوری مندرجانی و کندوسنک
صورت افاده سی و دلائل سائر ایله ثابت اولدیغندن
اول وجهله مجرمته و قانون جزانک یوز یتش دردیجی
ماده سنک فقره اولاسنه توفیقاً اون بش سنه مدته
کورکه قولنسه ۱۶ تشرین ثانی سنه ۳۱۸ تاریخنده
محکمه جنایتجه قرار ویرلشددر .

کرقوری ضرب ایدن شریجی یانی ولد حاجی
میخالک برهفته حبسنه
بلا موجب محله آرسنده کورلنی و شهادت ایدن
سلامی علی افندی محله سنده ساکن علی افندی

اون بش بشلک جزای نقدی اخذیه برابر مرقومک
برهفته مدته ده حبسنه

ایتالیای دولتی تبعه سندن ساعتجی پراساتی
ضرب ایلدیکی اصولاً ثابت اولان پولیس چاوشی
عثمان افندیکنک بریقچی آی حبسنه
قولتوقی ابراهیمی ضرب و جرح ایلدیکی اصولاً
ثابت اولان فری قریه سنده ساکن آراهجی عادلک
سکر کون حبسنه

قسطنینک مجروحته سببت ویردیکی ثابت اولان
غلطسده ساکن اقدارلنک اون کون حبسنه

کرقوری ضرب ایدن ایچاده ده ساکن مانوقک
برهفته حبسنه

میخانه جی قسطنیه طالع لسان ایدن چکل قریه سنده
ساکنه از مراغه ده نام قادیندن یارم آلتون جزای نقدی
اخذیه

حمایق ضرب ایدن اسکدارده اسب بازارنده
ساکن قهوه جی لئونک اون کون حبسنه

رنجیر شاکری ضرب ایدن قاضی قریه سنده
ساکن ترچانی احمدک اون بش کون حبسنه

آراهجی محمدی ضرب ایدن صولاق سنان
محله سنده ساکن آراهجی علاه الدین افندیکنک ایک
آلتون آلتوب مضروب به اعطاسنه

اداره مخصوصه نک سلامت واپوری قودانلرندن
مصطفی افندی ضرب ایلد کالری ثابت اولان نظامیه
تحقیق مأمورلرندن عبده و حسین افندیلرک برهفته
حبسلرینه

تشویقه ده اسکچی بکرک خانه سنده ساکن کامل
بن سلیمانک نام آخره محرر اولان تذکره عثمانیه
کندو شخصه استعمال ایلدیکی ثابت اولدیغندن
مرقومدن بش بشلک جزای نقدی اخذیه

مضارب ایلد کالری ثابت اولان قاسم پاشاده حاجی
شعبان محله سنده ساکن علی ایله عمرک اوزر کون
وایوبک دخی برهفته مدته ده حبسلرینه

قولتوقی مصطفایی صوبای ایله ضرب ایدن
بشکطاشده ساکنه حوا خاتمک اون کون حبسنه

قلارده نک خانه سنه طاش آلدیغی ضبط ورقه سی
مندرجانیله ثابت اولان قلوین کسفنونک یکری درت
ساعت حبسنه واون بشلک جزای نقدی آلتنسه

بونانی قلارده طاش آلدیغی ثابت اولان دوزیه
زقاغنده ساکنه سالتاننک یکری درت ساعت حبسیله
بش بشلک جزای نقدی آلتنسه

خلاف تلبیه بیانق کیشده ایلد کالری اکلاشلان
آینه لی چشمه ده ساکن یانی ایله نیقولیدن بشر بشلک
جزای نقدی آلتنسه

بصمه جی نسیمک طاوولرینی سرقت ایدن پیری

پاشاده ساکن صوغوموايله حسينك بر آي حبسلرينه
خلاف تنبيه اوزرنده سلاح طاشيديني ثابت اولان
طوبخانه ده اتمكجي باشي محله سنده ساكن قطارجي
محمود افندي دن بش بشلک جزای نقدی آلمسنه
آشيجي مغیری ضرب و جرح ایدن فریده لی بر
آرتین ايله زوجہ سی آترائیکک طقوزر کون حبسلرينه
ومرقومانه اطاله لسان ایدن مرقوم مغیردن دخی بر
بجق لیرا جزای نقدی آلمسنه

قلاره نك آقچه سنی سرت ایدن مهرانك اوچ ماه
حبسیله ختام مدتده كفالته ربطنه ومسروق قرق بش
ضروشك دخی صاحبه اعطاسنه
يكيشهرده ساكن استاوری ولد واسيلك فیروز
اغلی واسیلی ضرب ایلدیکندن برهفته حبسنه
رجی ضرب ایدن غلطه ده ساكن مصطفىانك
برهفته حبسنه

آصمه آلتنده ساكن یاغی نيقولينك آندونی
ضرب ایلدیکي اكلاشلديغندن اون کون حبسنه
تراموای مأموری علكساندیروسی ضرب
وجرح ایدن بهجت بکدن اوچ لیرا آلتوب مضروبہ
اعطاسنه

مرانغوز اکیسلواری ضرب ایدن قره کویده
توتونجی حسن تحسین افنديك بر هفتہ حبسنه
فندقلیده سلیمه خاتون محله سنده ساكن محمد
شريف افنديك دیلومه سز اجرای طبابت ایلدیکي
ثابت اولدیغندن مومی الپدن ایکی لیرا جزای نقدی
آلمسنه

طوبخانه ده صفر ككتخدا محله سنده ساكن
احسان افنديك حاجی خالدي ضرب و جرح
ایلدیکي اصولاً ثابت اولدیغندن آلتی آی حبسنه
ومجروحك ایام معطله اجرتی اولق اوزره تقدیر
ایدیلان یومیه یدیشر غروشدن اکیویز قرق بش
غروش مصارف جراحیه آقچه سی اولان اوچیوز الی
غروشك تحصیلنه و مرقوم خالدك دخی مومی الیه
احسان افندي یی ضرب ایلدیکندن طولانی برهفته
حبسنه

جکرجی قوچوايله طومه یی ضرب و جرح ایدن
کرج قپوسنده ساكن جکرجی تمستوقلینك اون بش
کون حبسنه

فانو قادی ضرب ایلدیکي اصولاً ثابت اولان
اورنه کویده یکی محله ده ساكن صندوقچی یاسفدن بر
لیرا آلهرق مضروبیه اعطاسنه

چراغی محمد علی یی ضرب ایدن اورنه کویده
قهوه جی علیدن بر لیرا آلهرق مضروبیه ویرلسنه
سرویتور النی یی ضرب ایدن خمیر کار محمدك
قرق کون حبسنه

آشيجي اسماعيلك آقچه سنی وحسنك کوملکني
سرت ایدن يوسفك اوچ ماه حبسنه وختام مدتده
كفالته ربطنه

قیوجی توفیق افندي یی اجرای مأموریت حالده
ضرب ایلدیکي تحقق ایدن پولیس مصطفی افنديك بر
آی حبسنه

هاجی بدوسه اطاله لسان ایدن فریده ده ساكن
بر بر قاپیکک درت کون حبسنه

حسینی ضرب ایدن قره باش محله سنده ساكن
سقا محمددن بر آلتون آلتوب مضروبہ اعطاسنه

نشان طاشنده ساكنه عایشه خانمك مصطفى
افندي یه اطاله لسان ایلدیکي ثابت اولدیغندن یازم
لیرا جزای نقدی آلمسنه

بلدیہ مأموری اسماعیل افندي یه اجرای مأموریت
حالده حقارت ایدن خاصکویلی نسیم ايله اورامدن
بر لیرا جزای نقدی آلمسنه

بدوسی ضرب و جرح ایدن غلطه ده ساكن
استفان ايله چالغیجی نيقولينك اون کون حبسلرينه
فاطمه خانمی ضرب ایدن اناطولی عثمانی تیمور
یولی سیلیجیلرندن حافظ حسنی افندي دن بر آلتون
آلهرق مضروبیه اعطاسنه

الفت خانمی ضرب ایدن دباغلیر محله سنده ساكنه
وصفیه خاتمدن بر آلتون آلهرق مضروبیه ویرلسنه
فاطمه شریفه خانمی ضرب ایدن چاملیجده ده مقیم
عثمان افنديك زوجہ سی پنه هرمن خاتمدن بر آلتون
آلهرق مضروبیه ویرلسنه

اسکدارده ساكن طبله کار حسین اغا ايله کتبه دن
محمد توفیق انديك یکدیگرینه اطاله لسان ایلدیکري
ثابت اولدیغندن هرایکسندن یازمشر لیرا جزای نقدی
اخذینه

بلغورلیده ساكن آرابه جی حسینك خلاف تنیه
اوزرنده سلاح طاشیدینی ثابت اولدیغندن مرقومدن
بش بشلک جزای نقدی آلمسنه

اسکدارده والدۀ عتیق محله سنده ساكن قصاب
زاده طاهر افنديك اذنامه سز عقد اجرا ایلدیکي ثابت
اولدیغندن مومی الپدن بش بشلک جزای نقدی آلمسنه
زندان قپوسنده ساكن نعلبور محمد افنديك عمر
افندي یی ضرب ایلدیکي ثابت اولدیغندن بر هفتہ
حبسنه

یاسفی ضرب و جرح ایدن اسکندرز جاده سنده
ساكن اورامك اون کون حبسنه

بشکطاشده یکی محله ده ساكن انسطاش ايله زوجہ سی
اوکهنیانك، استلیو ايله زوجہ سی النی یه اطاله لسان
ایلدیکري ثابت اولدیغندن کندولرندن بر لیرا جزای
نقدی اخذینه

طومہ نك اوغلی ابراهامی ضرب ایدن فری
قریه سنده ساكن طلوبه جی یورکینك اون ایکی کون
حبسنه

خرپوطلی حال احمدی ضرب ایدن طلوبه جی
عثمانك برهفته حبسنه

اورانیہ قادی ضرب ایدن الما طاغنده ساكنه
صوفینك برهفته حبسنه

محمدہ طاش آندینی اصولاً ثابت اولان
تراموای بیلتهجیسی توفیلوسدن التی بشلک جزای
نقدی آلمقله برابر ایکی کون ده حبسنه

وانکلی ضرب ایدن اسکدارده سلحدار باغچه سنده
مقیم نيقولينك اون کون حبسنه در سعادت ، بك اوغلی
واسکدار بدایت محاکمی جزا دائره لرنبه قرار ویرلمشدره

اعلانات

ایکنجی تجارت محکمہ سنده :

چارشوی کیرده مقیم آنتیه جلیق تجارتیله مشغول
حاجی عثمان بك خفیدی محمد علی بکک ۲۳ تشرین
ثانی سنه ۱۲۱۸ تاریخندن اعتباراً اعلان افلاسنه
ومصالح افلاسیه نك رؤیت وتسویه سی ضمانتده اعضای
محکمہ دن سعادتلو رضا بکک ژور قومیسر ودعوی
وکیلرندن حسنی وحسین فهمی بکلرک موقت سندیک
تعیینلرینه ومغازه سنده کی موجود امتعه تجاریه سیله اشیا
زائده بیتیه سنك تمهیرینه واوراق ودفاترینك جلبنه
وکفالت مصدقه معتبره ارانۀ ایده مدیکی تقدیرده
حبس وتوقیفنه وبوبابده کی قرارك موقه اجراسنه
ایکنجی تجارت محکمہ سندن قرار ویرلمش اولدیغندن
قانوننامه تجارتك ۱۷۰ نجی ماده سی موجبجه دائمی
سندیکلر انتخاب اولنق اوزره اوچیوز اون سکر
سنه سی کانون اولنك یدنجی جمعه ایرتسی کونی ساعت
یدی راده لرنده اصحاب مطلوبك محکمۀ مذکورہ نك
افلاس اوپه سنه کلری اعلان اولنور .

جریده محاکم عدلیه اعتباری اولدورہ آتورہ اولورہ
آرؤوسنده بولنامه ذرائك اول امرده مذکور غزنه نك
بر سنه نك بیلنی نقداً عدلیه نظارت جلیله سی داره سنده
جریده محاکم عدلیه اداره سنه تسلیم وارسال ایللمدی لازم
کلور .